



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Broj: 01/14-02-1448/25-1
Sarajevo, 22.07.2025.godine

**PREDSTAVNIČKOM DOMU
PARLAMENTA FEDERACIJE BiH**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 23-07-2025			
Org. jed.	Broj	Prijava	Vrijednost

Dana 22.07.2025. godine održana je 37. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovao je dovoljan broj članova Odbora, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Prijedlog Zakona o postupku prenosa prava vlasništva na nekretninama u vlasništvu Federacije BiH, kantona, gradova i općina na nastradalim područjima – skraćeni postupak,
2. Prijedlog Zakona o izmjenama i dopuni Zakona o prodaji stanova na kojima postoji stanarsko pravo,
3. Informacija o stanju u penzijskom sistemu Federacije BiH sa prijedlozima za unaprjeđenje stanja, te Informacija Federalnog zavoda za penzijsko i invalidsko osiguranje,
4. Inicijativa za reformu Direkcije robnih rezervi Federacije Bosne i Hercegovine u Agenciju za strateške rezerve Federacije Bosne i Hercegovine, koju je pokrenula Ajla Milišić – Pepić, zastupnica u Predstavničkom domu Parlamenta Federacije BiH, od dana 26.06.2025. godine,
5. Inicijativa za uvođenje dodatnog poreza na luksuzna motorna vozila i više od jednog registrovanog vozila po kućanstvu, koju je pokrenula Ajla Milišić – Pepić, zastupnica u Predstavničkom domu Parlamenta Federacije BiH, od dana 26.06.2025. godine,
6. Inicijativa vezana za dopunu Nacrta zakona o fiskalizaciji transakcija u Federaciji Bosne i Hercegovine, koju je pokrenuo Savez samostalnih sindikata državnih službenika i namještenika u organima državne službe, sudskoj vlasti i javnim ustanovama Federacije BiH, od dana 30.06.2025. godine,
7. Prijedlog zaključaka sa tematske sjednice Odbora za ekonomsku i finansijsku politiku Predstavničkog doma o temi „Izazovi i potencijali tržišta vrijednosnim papirima u Federaciji BiH“,
8. Zahtjev Saveza udruženja vojnih penzionera u Federaciji BiH,
9. Zahtjev Ekonomske olimpijade u Bosni i Hercegovini.



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07, 02/08, 26/20 i 13/24), Odbor podnosi sljedeći:

IZVJEŠTAJ

Ad-1

Prijedlog Zakona o postupku prenosa prava vlasništva na nekretninama u vlasništvu Federacije BiH, kantona, gradova i općina na nastradalim područjima – skraćeni postupak

Nakon uvodnog izlaganja predstavnika Federalnog ministarstva pravde, Odbor je obavio diskusiju i podržao sljedeći:

Zaključak

Odbor podržava Prijedlog Zakona o postupku prenosa prava vlasništva na neketninama u vlasništvu Federacije BiH, kantona, gradova i općina na nastradalim područjima po skraćenom postupku i predlaže da ide u daljnju parlamentarnu proceduru.

Ad-2

Prijedlog Zakona o izmjenama i dopuni Zakona o prodaji stanova na kojima postoji stanarsko pravo

Na sjednici Odbora nije bilo ovlaštenog predlagača Prijedloga Zakona o izmjenama i dopuni Zakona o prodaji stanova na kojima postoji stanarsko pravo, tako da je Odbor zauzeo stav da ovu tačku dnevnog reda neće razmatrati u skladu sa članom 51. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07, 02/08, 26/20 i 13/24).

Ad-3

Informacija o stanju u penzijskom sistemu Federacije BiH sa prijedlozima za unaprjeđenje stanja, te Informacija Federalnog zavoda za penzijsko i invalidsko osiguranje

Uvodno izlaganje dao je predstavnik Federalnog ministarstva rada i socijalne politike, Odbor je obavio diskusiju i jednoglasno donio sljedeće:

Zaključke

1. Odbor je razmotrio i primio k znanju Informaciju o stanju u penzijskom sistemu Federacije BiH sa prijedlozima za unaprjeđenje stanja, te Informaciju Federalnog zavoda za penzijsko i invalidsko osiguranje.



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

2. Odbor traži od Vlade Federacije BiH, odnosno resornog ministarstva da izvrši diferenciranje platnih razreda stope minimalnih penzija, rok 30 dana.
3. Odbor traži od Vlade Federacije BiH, odnosno resornog ministarstva da uradi izmjenu formule usklađivanja penzija na način da se uvede prosječna plata kao glavni indikator za usklađivanje penzija u Federaciji BiH, umjesto sadašnjeg bruto domaćeg proizvoda (BDP-a), rok 30 dana.
4. Odbor traži od Vlade Federacije BiH, odnosno resornog ministarstva da uradi sveobuhvatnu analizu penzionog sistema s ciljem njegovog reformisanja u dvostubni i trostubni model, rok 60 dana.

Ad-4

Inicijativa za reformu Direkcije robnih rezervi Federacije Bosne i Hercegovine u Agenciju za strateške rezerve Federacije Bosne i Hercegovine, koju je pokrenula Ajla Milišić – Pepić, zastupnica u Predstavničkom domu Parlamenta Federacije BiH, od dana 26.06.2025. godine

Uvodno izlaganje dala je Ajla Milišić – Pepić, zastupnica u Predstavničkom domu i podnositeljica Inicijative, Odbor je obavio diskusiju i jednoglasno podržao sljedeći:

Zaključak

Odbor je razmotrio i prihvatio Inicijativu za reformu Direkcije robnih rezervi Federacije Bosne i Hercegovine u Agenciju za strateške rezerve Federacije Bosne i Hercegovine, koju je pokrenula Ajla Milišić – Pepić, zastupnica u Predstavničkom domu Parlamenta Federacije BiH, od dana 26.06.2025. godine i predlaže da ide u daljnju parlamentarnu proceduru.

Ad-5

Inicijativa za uvođenje dodatnog poreza na luksuzna motorna vozila i više od jednog registrovanog vozila po kućanstvu, koju je pokrenula Ajla Milišić – Pepić, zastupnica u Predstavničkom domu Parlamenta Federacije BiH, od dana 26.06.2025. godine

Uvodno izlaganje dala je Ajla Milišić – Pepić, zastupnica u Predstavničkom domu i podnositeljica Inicijative, Odbor je obavio diskusiju i jednoglasno podržao prijedlog da će se izjasniti o ovoj Inicijativi nakon što dobije Mišljenje Vlade Federacije BiH o ovoj Inicijativi.

Ad-6

Inicijativa vezana za dopunu Nacrta zakona o fiskalizaciji transakcija u Federaciji Bosne i Hercegovine, koju je pokrenuo Savez samostalnih sindikata državnih službenika i namještenika u organima državne službe, sudskoj vlasti i javnim ustanovama Federacije BiH, od dana 30.06.2025. godine



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Uvodno izlaganje dao je Samir Kurtović, direktor Saveza samostalnih sindikata državnih službenika i namještenika u organima državne službe, sudskoj vlasti i javnim ustanovama Federacije BiH i veoma detaljno upoznao Odbor s dostavljenom Inicijativom koja je vezana za dopunu Nacrta zakona o fiskalizaciji transakcija u Federaciji Bosne i Hercegovine. Nakon uvodnog izlaganja, Odbor je obavio diskusiju i jednoglasno donio sljedeći:

Zaključak

Odbor podržava Inicijativu vezanu za dopunu Nacrta zakona o fiskalizaciji transakcija u Federaciji Bosne i Hercegovine, koju je pokrenuo Savez samostalnih sindikata državnih službenika i namještenika u organima državne službe, sudskoj vlasti i javnim ustanovama Federacije BiH, od dana 30.06.2025. godine i predlaže da ide u daljnju parlamentarnu proceduru.

Ad-7

Prijedlog zaključaka sa tematske sjednice Odbora za ekonomsku i finansijsku politiku Predstavničkog doma o temi „Izazovi i potencijali tržišta vrijednosnim papirima u Federaciji BiH“

Odbor je veoma detaljno razmotrio sve pristigle prijedloge zaključaka koje su dostavili učesnici sa tematske sjednice o temi „Izazovi i potencijali tržišta vrijednosnim papirima u Federaciji BiH“ i jednoglasno podržali konačan set zaključaka koji će biti upućeni prema Predstavničkom domu Parlamenta Federacije BiH na usvajanje, a koji glase:

- 1) Obavezuje se Parlament Federacije BiH, a na prijedlog Vlade Federacije BiH da u roku od 90 dana, u parlamentarnu proceduru uputi izmjene Zakona o Komisiji za vrijednosne papire Federacije BiH, **koji će uključivati sljedeće:**
 - uspostavu sistema provjere upravnih akata Komisije, kako općih, tako i pojedinačnih kroz uspostavu drugostepenog organa, odnosno apelacijskog tijela;
 - definiranje odgovornosti u slučaju neusvajanja godišnjih izvještaja Komisije za vrijednosne papire FBiH i posljedice koje takvo neusvajanje ima slijedom toga. Izvještaji Komisije ne usvajaju se, odnosno odbijaju već najmanje 10 (slovima deset) godina, a da za to ne postoje zakonski utemeljene posljedice. Konačno, Zakon predviđa da Komisija za svoj rad odgovara Parlamentu Federacije BiH, a ne predviđa na koji način će Komisija odgovarati, osim podnošenja godišnjih izvještaja;
 - definirati okolnosti za prijevremeno razrješenje kako pojedinih članova tako i cjelokupne Komisije s obzirom da je aktuelno rješenje nedorečeno i nekonkretno;
 - definirati i radno-pravni status članova Komisije ili kao imenovanih dužnosnika ili kao državnih službenika, te s tim u vezi sva ostala prava i odgovornosti;
 - redefinirati i/ili u potpunosti ukinuti odredbu koja daje imunitet članovima i uposlenicima Komisije za djela koja naprave u dobroj vjeri. Dobra vjera je apstraktna



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

i teško dokaziva kategorija stoga je nužno da uposlenici Komisije snose jednaku zakonsku odgovornost za svoja postupanja kao uposlenici svih drugih organa uprave.

- 2) Obavezuje se Vlada Federacije BiH da do kraja godine pošalje u javnu raspravu, a zatim i u parlamentarnu proceduru i ostale izmjene Zakona o investicijskim fondovima, o tržištu vrijednosnih papira, o preuzimanju, o privrednim društvima i o registru vrijednosnih papira koji će urediti dostignuti stepen razvoja tržišta ali i akutnu i permanentnu krizu u kojoj se tržište nalazi.

Obrazloženje: Određene anomalije koje postoje već 20 godina, primjerice, da se Nadzorni odbori dioničkih društava upisuju prvo kod Komisije, a tek potom u sud, daju viši stepen važnosti Komisiji u odnosu na registarske sudove, zatim da su određena društva u obavezi biti u statusu dioničkih bez obzira na interese vlasnika itd.

- 3) Obavezuje se Parlament Federacije BiH, a na prijedlog Vlade Federacije BiH, da donese propis na osnovu kojeg bi se formirala Komisija za koordinaciju nadzora finansijskog sektora s kojim bi se regulirao način međusobne saradnje i koordinacije Komisije za vrijednosne papire FBiH, Agencije za bankarstvo FBiH, Agencije za nadzor osiguranja FBiH i Federalnog ministarstva finansija.

Ad-8

Zahtjev Saveza udruženja vojnih penzionera u Federaciji BiH

Uvodno izlaganje dali su predstavnici Saveza udruženja vojnih penzionera u Federaciji BiH nakon čega je Odbor obavio diskusiju i donio sljedeći:

Zaključak

Odbor podržava Zahtjev Saveza udruženja vojnih penzionera u Federaciji BiH i predlaže da ide u daljnju parlamentarnu proceduru.

Ad-9

Zahtjev Ekonomske olimpijade u Bosni i Hercegovini

Uvodno izlaganje dala je Aida Hasanagić, izvršna direktorica udruženja Liberalni forum i veoma detaljno upoznala Odbor sa radom ovog udruženja kao i organiziranja Ekonomske olimpijade, odnosno međunarodnog takmičenja iz ekonomije i finansija koje se pet godina zaredom održava u Bosni i Hercegovini. Pored izvršne direktorice, sjednici Odbora prisustvovala je i Lejla Dedović, asistentica na Ekonomskom fakultetu Univerziteta u Sarajevu (partner i suorganizator takmičenja) kao i pet najbolje plasiranih takmičara koji će predstavljati Bosnu i Hercegovinu na međunarodnom finalu u Olimpiji, u Grčkoj, i to:

1. Muris Čerkez - učenik JU Druge gimnazije Sarajevo



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES


2. Emina Hodžić - učenica United World College Mostar
3. Annur Mešić - učenik JU Prve Bošnjačke gimnazije Sarajevo
4. Faris Čerim - učenik JU Druge gimnazije Sarajevo
5. Imran Zukić - učenik JU Druge gimnazije Sarajevo.

Nakon uvodnog izlaganja izvršne direktorice Hasanagić i upozavanja sa plasiranim takmičarima, Odbor je izrazio čast i zadovoljstvo što je imao priliku ugostiti mlade i talentirane takmičare iz oblasti ekonomije i finansija, poželjeli su sreću svim takmičarima i pružili punu podršku i saradnju u budućem radu udruženju Liberalni forum.

Također, Odbor je jednoglasno konstatovao da će u što skorijoj budućnosti potpisati i Memorandum o saradnji sa udruženjem Liberani forum s ciljem pružanja institucionalne podrške i realizacije projekata iz oblasti ekonomije i finansija.

Za izvjestioca Odbora na sjednici Predstavničkog doma Parlamenta Federacije BiH, koji će razmatrati ove materijale, određen je Admir Čavalić, predsjednik Odbora za ekonomsku i finansijsku politiku.

PREDSJEDNIK ODBORA


Admir Čavalić